

Ammasumik ataatsimiinneq

Oqaluuserisassat:

Imm. 01 Oqaluuserisassat akuersissutigineqarneri

Aningaasaqarnermut tunngasut

Immi. 3.1 Teknikkeqarnermut Avatangiisinullu ataatsimiititaliamut januaarimut aningaasaqarnermut nalunaarusiaq – Ingerlatsinermi sanaartormilulu suliat

Imm. 3.2 ESANI-p eqqagassanik eqqaaneranut ingerlatsinermit aningaasartuutit

Imm. 3.3 2018-imiit 2024 tungaanut Sisimiuni Maniitsumilulu sanaartukkanut naatsorsuutit sisamat aamma 2024-miit 2025-mut sanaartukkanut aningaasaliisutit atunngitsuukkanik nuutsineq.

Suliassat naliginnaasut

Imm. 4.1 Imm. 4.1 Kalaallit qimmiinik qimuttunik qimmeqarneq illersuinerlu pillugit Inatsisartut Inatsisissaattut siunnersuut kiisalu Qimmeqarneq qitsuuteqarnerlu pillugit Inatsisartut inatsisaat

Imm. 8 **Tamalaat**

Ataatsimiinneq videokonference atorlugu ingerlanneqassaq nal. 08.30

Inuit Ataqtigiit

Nivi Heilmann Efraimsen

Naleraq

Karl Lyberth

Siumut

Aqqalu Skifte

Barnabas Larsen

Imm. 01 Oqaluuserisassat akuerineqarneri

Aalajangiineq

Akuersissutigineqarput

Imm. 3.1 Teknikkeqarnermut Avatangiisinullu ataatsimiititaliamut januaarimut aningaasaqarnermut nalunaarusiaq – Ingerlatsinermi sanaartornermilu suliat

Journalnr. 06.01.02

2025-mi januaarimut aningaasaqarnermut nalunaarusiaq 05-02-2025 tungaanut atuiffilersuilluni naatsorsugaavoq. Anillatsinnera 05-05-2025-meersuuvoq.

Ingerlatsinermut akissarsianullu kisitsisit pingaarnerit

Teknikkeqarnermut Avatangiisinullu immikkoortortami ingerlatsinermut immikkoortortaq 99 procentinik aningaasanngorlugu 6,3 mio. koruuninik atuinermik takutitsivoq.

Ingerlatsinermut immikkoortumut akiligassiisutininik akilerneqanngitsunik 3,9 mio. koruuninik naleqartunik peqarpoq, immikkoortaq 3.2-mi akiligassaq ataaseq 2,2 mio. koruuninik nalilik tassunnga ilaavoq.

Immikkoortuni tamani atuineq missingersuutit iluanniippoq, ukiorlu kingullermi atuineq assigalugu.

Regnskab 2025

Level1	ATD Førrige År	ATD Sidste År	ATD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	5,634,556	7,131,147	6,380,734	8.27 %	99.19 %	77,197,000			77,197,000	70,816,266
☐ Brandvæsen	1,045,728	1,065,214	1,012,647	8.79 %	105.50 %	11,518,000			11,518,000	10,505,353
☐ Planafdelingen	240,369	25,000	6,101	1.13 %	13.53 %	541,000			541,000	534,899
☐ Teknik Maniitsoq	2,445,116	2,510,471	2,064,015	8.29 %	99.48 %	24,897,000			24,897,000	22,832,985
☐ Teknik Sisimiut	1,903,344	3,530,462	3,297,971	8.20 %	98.35 %	40,241,000			40,241,000	36,943,029
Total	5,634,556	7,131,147	6,380,734	8.27 %	99.19 %	77,197,000			77,197,000	70,816,266

Akissarsianut aningaasartuutit:

Akissarsianut atuineq atuinermik procentimik 128 procentimik takussutissiivoq. Januaarimi ullunut 14-nut pingasoriarluni akissarsisoqarpoq, tamanna ukioq kingullermut sanilliullugu akissarsianik atuiffiunerusutut takutitsivoq.

Sisimiuni ukioq kingullermut sanilliullugu aputeqarluarnera pissutaalluni akunnerpaaluit aputaajaanermut atornerqarput. Ukioq mannaluni aputeqarluarnera pissutaalluni Majuartaateqarfik ammajaarnikuuvoq, tamannaluni akissarsiaqartitsinermut atuiffiuneruvoq.



Level1	ATD Forrige Ar	ATD Sidste Ar	ATD I Ar	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
Teknik Udvalg	3,742,576	4,065,021	4,906,937	10.37 %	124.48 %	47,304,000			47,304,000	42,397,063
Brandvæsen	666,234	667,451	672,171	9.68 %	116.11 %	6,947,000			6,947,000	6,274,829
Teknik Maniitsoq	1,085,609	1,202,695	1,552,018	10.47 %	125.64 %	14,824,000			14,824,000	13,271,982
Teknik Sisimiut	1,990,733	2,194,876	2,682,748	10.51 %	126.08 %	25,533,000			25,533,000	22,850,252
Total	3,742,576	4,065,021	4,906,937	10.37 %	124.48 %	47,304,000			47,304,000	42,397,063

Sanaartornermik ingerlatsinerit

Sanaartornermut missingersuutaasuniit 05-2-2025-mi 3,9 mio. koruuninik atuisoqarnikuvoq.

Sisimiunut tunngatillugu 2025-mi januaarimi sanaartornermik atortulersuutinullu suliat angisuut killiffii tassaapput:

- Timersortarfik tamatigoortoq Sarfannguit – illu matuneqarpoq, sanaartornermi kiassaatersuisoqareerpoq, qilaaq oqorsaaserneqarpoq, qilaavata ikkersorneqarnera ingerlavoq.
- Kunuuteralaap Aqqutaani nutaanik kuuffissualersuinerit naammassineqarput. Jaakunnguup Aqqutaata kitaatungaa ingerlalereernikuvoq. Ukiumut suliaq unitsinneqarallarpoq.
- ATV-nut aqut - ukiuunerani uninngavoq:
- Sisimiut - Kangerlussuaq aqqusinermik sioraasumik pilersaarusiornermut pilersaarutitut siunnersuut ingerlanneqarpoq. Suliaq august 2025 nangeqqinneqassaaq.
- Siusinnerusukkut ilinniartut inaanni / Misi-p allaffiani B-904-mi meeqqanut inuusuttunullu ulloq unnuarlu paaqqinnittarfik, illup iluani atortunik isaterineq naammassineqangajalerpoq, allilernerqarnissaanut toqqavia ingerlavoq
- Arsaattarfik, minihallip eqqaani arsaattarfittut atugassamik siunnersuut akuerineqanngilaq. Inissisimaffissaq nutaaq nassaarineqartariaqarpoq.
- Majuartaateqarfissamut nutaamut siunnersuutitut atugassaq suliarineqarpoq.
- Berthelsenip Aqqutaani nutaanik kuuffissualersuinerit aasaq neqeroorutigineqarput, suliariumannittussarsiuussineq ingerlanneqareerpoq. Suliarinnittussanik isumaqatigiissut atsiorneqareerpoq, suliassaq 2024-mi oktobarimi aallartinneqarpoq.
- Ifillimi Illorput 2100 katersortarfingortillugu allanngortiterneqarnera, sanasut naammassillutik nalunaaruteqarnikuupput, novembarip naanerani innaallagissat aqqutaannik suliassat suliarineqassapput.

Maniitsumi 2025-mi januaarimi sanaartukkanut atortulersuutinullu annertunerusunut tullinnguuttunut killiffik:

- Ungusivimmi sanaartorfissagissaanerit immikkoortoq 1 naammassineqarput, aqquserngup ingerlaarfiata naggataa illoqarfimmik tullissaanik asfalteinerimut atatillugu 2025-mi asfalteerneqassaaq.
- Immikkoortumi inuusutissarsiorfeqarfimmi sanaartorfissagissaaneq (Immikkoortumi inuusutissarsiorfeqarfimmut aqut Atortulersuutit ilanngullugit) suliniutigineqarpoq, sulihamulli missiliuuteqarfiusut missingersuutinit qaffasinnerujussuupput.
- Sarfanut aqqusinermik pilersitsineq suliarineqareerlunilu naammassineqarpoq.
- Kuuffissualersuinerimik immikkoortoq 3 aamma 4 aallartinneqarput.

- Atuarfik Kilaaseeqqap nutarsarneqarnera allilerneqarneralu, ilua isaternalu ingerlapput.
- Bussinut garagemik nutaamik sanaartorneq aallartinneqareerpoq. Toqqavik kuineqareerpoq immersuinissarluni ingerlanneqareerluni. Toqqavimmuut atortussat jannuaarip naanerani tikissapput.
- Atuarfik Kilaaseeqqamik alliliineq nutarsaanerlu upernaap neqeroorutigineqarpoq. Neqeroorummik tiguisoqarnikuuvoq, ajoraluartumilli isumaqatigiisummik atsiortoqarnikuunngilaq. 2025-p upernaap ingerlanerani suliassaq suliariumannittussarsiuunneqaqqissaaq.

Sumiiffinni marluusuni illuutit nutarterneqarnissaannut, sunngiffimmi silami sammisassaqaartitsinermut, aalisartut piniartullu atugaannik pitsanngorsaaniissamut kiisalu avatangiisinik pitsanngorsaaniissamut sulinissamut aningaasat atugassiisutit atorlugit ingerlaavartumik sanaartormik suliat ingerlanneqarput.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuinermit Sanaartormullu 2025-mi januaarimut qaammammut nalunaarusiaq akuersissutigineqassasoq.

Aalajangiineq

Akuersissutigineqarpoq

Imm. 3.2 ESANI-p eqqagassanik eqqaaneranut ingerlatsinermut aningaasartuutit

Journalnr. XX.XX

Tunuliaqutaq

Qeqqata Kommuniata Kommune Qeqertalik, Kommuneqarfik Sermersooq aamma Kommune Kujalleq peqatigalugit kommunit ataatsimoorussamik eqqakkanut ingerlatseqatigiiffiat ESANI A/S-imik ingerlatsinermut isumaqatigiissut atsiorneqarpoq. Eqqakkanik igitsinermut ESANI A/S-imut ukiumoortumik akiliuteqartarneaq isumaqatigiissummi agguataarneqarpoq. Qeqqata Kommunianut tunngatillugu 2020-mi akit naapertorlugit 4.079.384 kr.-it isumaqatigiissutaapput.

Maleruagassatigut tunngavissaq

Qeqqata Kommunianut karseqarnermut naatsorsuuserinermullu malittarisassat. Kommunit ESANI-llu akornanni ingerlatsinermut isumaqatigiissut.

Pissutsit atuuttut

ESANI-p Nuummi eqqagassaleriffia 2024-mi upernaakkulli ingerlanneqalerpoq, aamma – maannamut pilersaarutaagallartoq naapertorlugu – Sisimiuni eqqagassaleriffiup nutaap marsip qaammataani sapaatip akunnera 13-imi illoqarfimmi eqqakkanik nalinginnaasunik tigooraalluni aallartisarneqarnissaa naatsorsuutigineqarpoq. Ungasissumiilli kiassarnermut ledningit aasaanerani eqqagassaleriffimmut nutaamut attaveqalersinnissaat naatsorsuutigineqarpoq. Taamaattumik kommunimi eqqagassaleriffimmiit ungasissumiit kiassarnerup akigitinneqarnera ikaarsaarfiup nalaani attanneqartariaqarpoq. Eqqakkanik ikuallaanikkut imaluunniit uuliakunik ikuallaanikkut.

Nuummi eqqagassaleriffimmi nutaami ilinniarnissamut periarfissaq kommunimi eqqagassaleriffimmiit sulisut qulusut akornanni arfinillit atorluarusuppaat kingornalu Sisimiuni ESANI-p eqqagassaleriffianut ingerlatinneqassallutik. Taamaallutik sulisut siulliit marluk ESANI-mut nuuttussat marsip ulluisa aallaqqaataanni pissasut naatsorsuutigineqarpoq. Ikaarsaarfiimmi suliassat kivinneqarsinnaaniassammata kommunimi eqqagassaleriffimmi sulisoqatigiit ataavartumik naleqqussarneqassapput, matumani ungasissumiit kiassarnerup akigitinneqarnera ilanngullugu.

Eqqagassat ikuallanneqarsinnaasut tamaasa ESANI-mi eqqagassaleriffimmut, illoqarfiullu ungasissumit kiassarneranut attaveqalerluni tunniunneqariarpat, kommunimi ikuallaavik atorunnaarsinneqassaaq. Siunissami Sisimiuni tigooraaviup pilersinnissaa ingerlanneqarnissaalu kommunip suliassarissusaavaa, eqqagassat ikuallatassaannaat ESANI-mut tunniunneqarnissaat eqqagassallu navianartut umiarsuarmik assartortinnissaat qulakkeerlugit. Peqataanik saviminikunut eqqaavissuup ammasarfiisa kommunimit akisussaaffigilerneqassanersoq isumaliutigineqartariaqarpoq, kisianni immikkoortiterinertaa umiarsuakkulli assartuussartai suliffiup avataani entreprenørimut imaluunniit ESANI-mut isumagitillugit. Kommunip illoqarfiini nunaqarfiinilu suliassarineqartortaaq tassaavoq, tigooraaviit ingerlanneqarnerat aamma eqqagassanik navianartunik Danmarkimut umiarsuakkut nassiussuinerit – soorlu maannamut taamaattoq – tamatumalu saniatigut eqqagassat ikuallanneqarsinnaasut ESANI-mut umiarsuakkut nassiullugit.

Atuilluartuunissakkut kingunerisinnaasai

Pitsaanerpaamik angusaqarniarluni kommunit ataatsimoorussamik pisariaqartitanik annertuunik ingerlatsillunikkut iluanaaruteqarnissaaq siunertarlugu aalaajangiunneqarpoq,

Teknikkeqarnermut ataatsimiititaliap ileqquusumik ataatsimiinnerani imaqarniliaq 01 ulloq 13. februar 2025

Kalaallit Nunaanni eqqagassalerineq ESANI-mit figuneqassasoq ingerlanneqarlunilu. Pitsaasumik ingerlalluartumillu eqqagassalerineq peqqissutsimut aammalu avatangisut pitsaasumik kinguneqartarpoq.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisassai ingerlatsinermut isumaqatigiissusiornikkut akuersissutigineqareerput, taakkulu 4,9 mio. kr.-inik nalillit missingersuutitut 2025-imut ilassutitut aningaasaliissutitut inissinniarneqarput.

Afdeling	Formål	Art	Sted	Tekst	Bevilling 2025	Tillæg 2025	Ny bevilling 2025
562040700	1001025001	122090800	010500	driftaftale ESANI	0	4900000	4900000

ESANI-p eqqagassaleriffia allaffissomerup tungaatigut kommunimi sulisut eqqagassanik eqqaanermiik suliaqartut Sisimiuni ikilisinneqarnerinik kinguneqassaaq. Maannakkorpiaq sulisut qanoq amerlatigisut pineqarnerisut qulaqarneqanngillat. Piffissami 2026-2028 Maniitsumut Sisimiunullu eqqagassalerinerup tamakkiisumik, missingersuutilerisoqannginnerani nalilersorneqarnissaa pisariaqarpoq, tassani ingerlatsinermut aningaasartuutit eqqagassanullu akileraarutit nalimmassarneqassallutik.

Allaffeqarfiup naliinnera

Eqqagassat ikuallanneqarsinnaasut biilillu atorsinnaanngitsut ESANI-p eqqagassaleriffianut inissinneqarnissaannut februaarip ulluisa aallaqqaataanniit tunniussinissamut kommuni periarfissaqalersimavoq. Soorlu illoqarfimmi angerlarsimaffinniit eqqagassat marsip naaneraniit tigooraalernissaq naatsorsuutigineqartoq. Taamaalilluni allaffeqarfimmit naliliineq naapertorlugu ESANI-mik ingerlatsinermut isumaqatigiissutigineqartoq atuutilereerpoq, taamaalilluni eqqagassanik eqqaanermut ukiumoortumik akiliutissap immikkoortua siulleq naatsorsuiffigineqassasoq.

Innersuussineq

Teknikkimut Ataatsimiisitaliamut, Aningaasaqarnermut ataatsimiititaliamit Kommunalbestyrelsimiillu akuereqqullugu allaffeqarfiup innersuussutigaa:

4,9 mio. kr.-inik 2025-imut ilassutitut aningaasaliisoqassasoq, kommunit aamma ESANI A/S-ip akornanni ingerlatsinermut isumaqatigiissutaat innersuussutigalugu.

Aalajangiineq

Akuersissutigineqarpoq

Ilanngussaq

1. Indlæsningsark
2. Isumaqatigiissut Esani

Imm. 3.3 2018-imiit 2024 tungaanut Sisimiuni Maniitsumilu sanaartukkanut naatsorsuutit sisamat aamma 2024-miit 2025-mut sanaartukkanut aningaasaliissutinik atunngitsuukkanik nuutsineq.

Journalnr. ~~xxxx~~

Tunuliaqutaq

Sanaartugassatut suliassani ingerlanneqartuni suliluunniit aallartinneqanngitsuni ilanngussaq x-mi ilanngunneqartuni 2024-mi missingersuutiniit 2025-mi missingersuutinut sanaartukkanut aningaasaliisutinit atunngitsuukkaniit nuutsisoqarnissaa pillugu Teknikkeqarnermut immikkoortortaq matumuunakkut nassiussivoq.

Sisimiuni Maniitsumilu sanaartugassatut suliassani naammassisani tullinnguttuni sanaartornermut naatsorsuusiortoqarnikuuvoq:

- 500005_004 Kangerlussuarmi uffarfiit
- 500077 Ilaqutariinnik inerisaavik Maniitsoq
- 500082 Nipilersornermik ilinniarfik / atuakkanik atorniartarfik
- 500096 Maniitsumi sulisunut inissiat

Maleruagassatigut tunngavissaq

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Sanaartukkanut sanaartornermut naatsorsuusiortoqartartussaavoq. Sanaartornermi naatsorsuutit Teknikkeqarnermut ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput, malitsigisaanillu kukkunersiuisunit atsiorneqarlutik.

Pissutsit atuuttut

Sanaartukkanut naatsorsuutit

Ataani eqitsimmi aningaasanik sinaakkutitalimmik sanaartornermilu aningaasartuutivinnik allassimasunik sanaartugassatut suliassat tullinnguuttut naammassereerput atorneqalereerlutillu:

Atuiffiup taaguutaa	Sanaartornissami aningaasaliissutit, Kr	Sanaartornermut aningaasartuutit, Kr	Nikingassut
500005_004 Kangerlussuarmi uffarfiit	5.120.000	4.125.139,46	+ 19%
500077 Ilaqutariinnik inerisaavik, Maniitsoq	15.803.000	15.154.926	+ 4%
500082 Nipilersornermik ilinniarfik	38.393.220	37.896.001	+ 1%
500096 Maniitsumi sulisunut inissiat	31.100.000	30.024.061	+ 3%
Kommunip aningaasartuutaani nikingassutit katillugit	Tamakkiisumik aningaasaliisutinit %-inngorlugu QK atuivallaarnera		+ 3%

Aningaasaliissutit nikingassutaanik naatsorsuineq siulequtaasa isumai atorlugit, - = sippuilluni atuineq, + = atuinikinneq.

Sanaartornermi suliassat nuutsinneqarnissamut qinnutigineqartut takussutissiami ilanngussaq 5-imi qalipaasersorneqarput.

Suliami Sisimiut Maniitsullu eqqaani sanaartorerit kiisalu ataatsimoorussamik suliassat pineqarput.

Quleriiaani "Oqaaseqaatit" ataani sanaartugassanut pilersaarutini aningaasanik atunngitsuukkanik nuutsitsinissamik kissaatigineqarnerit sumiiffinni allassimapput.

Illunik nutarsaanernut, Avatangiisinillu tapiissutinut ukiumut aningaasaliiffigineqartartunut atunngitsuukkanut nuutsinissaq qinnuteqaatigineqanngilaq, ukiumoortumik ingerlatsinermut aningaasaliissutaanerorpasimmata aammalu Ingerlatsinermut immikkoortortamit ingerlanneqartuullutik.

Suliniutinut naammassisanut inaarutaasumillu akileriikkanut aningaasanik atunngitsuukkanik nuutsisoqarnissaanik qinnuteqartoqanngilaq.

Atuilluartuunissakkut kingunerisinnaasai

Sanaartornermut tunngasut naatsorsuusiorneqarnissaat kukkunerisuiisunit piumasarineqarpoq.

Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunerisuiisunit akuerineqartussat. Namminersorlutik Oqartussanik tapiiffigineqartumik sanaartugassatut suliassani, sanaartornermut naatsorsuutit kukkunerisuiisut atsiugaasa assilinerat Namminersorlutik Oqartussanut nassiunneqassaaq.

Sanaartornermi suliassanut sippuilluni atuineq karsimiittuutinit matussuserneqartarpoq, sanaartornermilu suliassanut atuinikinnerunerit karsimiittuutinit utertinneqartarlutik.

Sanaartukkanut isumaqatigiissuteqarfioersunut naammassinninnissamut kommuni pisussaaffeqarpoq. Sanaartugassanut entreprenørinut suli isumaqatigiissusiorfiunngitsunut, suliniut pisariaqartutut isigineqarunnaarsimappat maannamut killiffiani unitsinneqarsinnaavoq, kisianni siunnersortinut akissarsiarititat suliniutip unitsinneqarfiani killiffiup tungaanut akilerneqassapput.

Suliniutinut suli aallartinneqanngitsunut sanaartugassatut kissaat pillugu paasisutissanik amerlanerusunik amigaateqarfiusuni aammalu sanaartornissamut pilersaarutitaqanngitsuni, suliniut kissaatigineqarunnaarsimappat sulianut taakkununga isumaqatigiissutinut pisussaaffinnik isumaqatigiittoqarnikuunaniluunniit, aningaasanik nuutsinissaq pinngitsuuginarneqarsinnaavoq.

Entreprenørinut akiliutigineqartussat akilerneqareerpata kiisalu ukiup ataatsip ingerlanerani amigaatit iluarsinissaat naammassineqarsimalerpata, sanaartornermi suliassanut naammasseriikkanut sanaartornermut naatsorsuutit suliarineqassapput.

Allaffeqarfiup naliinnera

Sanaartukkanut naatsorsuutit

Kangerlussuarmini kommunip illuutaani uffarfinni naternik nutarsaaneq

Uffarfinni naternik nutarsaaneq illunut tullinnguuttunut suliarineqarput: B-2048, B-2049, B-2050, B-2051, B-2068, B-2069, B-2081, B-2082, B2088, B-2089, B-2090, B-2101, B-2102 aamma B-2103. INI A/S-imit qinnuiginninneq malillugu aningaasaqarnikkut peqataanissamut kommuni akuersaarnikuuvoq, ineqarnermut immikkoortortap taassuma mikisup nutarsaalluni suliassaq kisimiilluni naammassisisinnaanngimmagu. Entreprenørinit missiliuut C malillugu aningaasaliisoqarpoq, naatsorsuereernerme paasinarsivoq, naatsorsuutigisamiit nutarsaalluni suliaq akikinnerusoq. Sanaartukkanut naatsorsuutit takutippaat, 994.860,54

koruuninik atuinikinnerusoqartoq. Tassa imaappoq, aningaasaliissutaasuniit 19 procentimik atuinikinneruneq.

Ilaqutariinnik inerisaavik, Maniitsoq

648.074 koruuninik aningaasaliissutaasunit tamakkiisuniit 4 procentimik atuinikinnerusoqarpoq. Ilaqutariinnik inerisaavik ator neqalereerpoq. Suliassat tamarmik tunniunneqareerput aammalu ukiup ataatsip qaangiunnerani misissuisoqareernikuuvoq. Atuinikinneruneq sanaartorfimmut (aallartitsineq), akit qaffannerinut, ukiuunerani sulianut kiisalu aningaasartuutitut siumut ilisimanngisanut atuinikinnerunermik peqquteqarneruvoq. Sanaartorneq m2-mut 37.293 koruuninik akeqarnikuuvoq.

Sisimiuni Kulturikkut illorsuarmik alliliineq, nipilersornermik ilinniarfik/atuakkanik atorniartarfik 2017-imi kommunalbestyrelsimit aningaasaliissut siullermik aningaasaliisoqarnerata kingorna, suliniummut arlaleriarluni aningaasaliiffigeqqinneqartarnikuuvoq. Siunnersuutitut atugassamut atatillugu missiliuut C tunniunneqartoq malillugu ilassutitut aningasaliissutit siulliit tunniunneqarnikuupput. Sanaartukkatut suliassanit allanit aningaasaliissutinik nuutsinikkut pingaarnertut suliniutip kingorna aningaasaliissutit qaffanneqarput. Suliarineqarnissaanut pisariaqartut amigaataasut malillugit ilassutitut aningaasaliisutit kingulliit marluk tunniunneqarput, ksianni suliniummut ilanngunneqarnikuusimanngillat. Amigaataasunik iluarseeernerup kiisalu immikkoortumik asfalterisoqareernerata kingorna 497.219 koruuninik atuinikinnerusoqarpoq. Suliniut siulleq 75-51-11, suliniummut 500082 kiisalu suliniummut 500258 aningaasaliissutit ataatsimoortinneqarnikuupput, naggataatigut aningaasaqarnera tamarmi suliniummi 500082-imi aqunneqalerluni. Atuinikinneruneq aningaasaliissutaasunit tamarmiusunit 1 procentitut annertussuseqarpoq, sanaartorneq m2-mut 36.426 koruuninik akeqarnikuuvoq.

Maniitsumi sulisunut inissiat aqqaneq-marluk

Kommunalbestyrelsi ukioq missingersuutiliorfiusumi 2019 aamma 2020-mi aningaasaliivoq, ukiumi 2019-imi 5.000.000 koruunit aamma ukioq 2020-mi 20.000.000 koruunit. Suliariumannittussarsiuussisoqareernerata kingorna 6.100.000 koruuninik ilassutitut aningaasaliissuteqartoqarpoq. Aningaasaliissutaasunit 3 procentinngorlugu 1.075.939 koruuninik atuinikinnerusoqarpoq. Illu sanaartorlugu naammassereerpoq 2022-milu ator neqalereerluni. Atuinikinneruneq aningaasartuutinik siumut ilisimanngisani atuinikinnerunermik peqquteqarpoq. Aningaasat sinneruttut karsimut utertinneqassapput.

Sanaartugassatut suliani sisamaasunut kommunip aningaasaliissutaannit tamakkiisuniit tamanut kommunimut atuinikinneruneq 3.216.092,54 koruuninik procentinngorlugu 3 procentinik annertussuseqarpoq.

Aningaasanik atunngitsuukkanik nuutsineq

Ilanngussaq 5-imi eqitsimmi ERP-systemi malillugu sanaartugassani suliniutit normui malillugit tulleriiaarlugit allattorsimapput.

Annertussutsinut allanut ataani normoqarsinnaasuni naatsorsuutitut nuutsinernut suliniutip-normuinut ataasiakkaanut katillugit aningaasat atunngitsuukkanit inernera nuutsinemi aningaasartaavoq.

2024-mut sanaartugassanut ilanngasereerlugit aningaasat atunngitsuukkat kr.195.054.992 koruuniupput, ilanngasereerlugilli taamaallaat kr.190.784.577 koruuninik nuutsinissaq qinnuteqaatigineqarluni, tassani sanaartukkani naammassereersuni sinneruttunik

nuutsinissamik qinnuteqartoqanngilaq, aningaasaliissutinilu ilanngaasereerlugit sinneruttut katillugit kr.4.270.418 koruunit karsimut utertittussaallutik.

Suliassatut saqqummiusseq una TA ataatsiminnerani UT 01 25-imi angumersisinnaaniassammatt ulloq 05.02.25 2024-mut naatsorsuutitut kisitsisaagallartut malillugit tulleriaarneqarpoq. Ullup taassuma kingorna naalernerani akiligassisutit naatsorsuutitut ikkunneqassappata ilanngusseq 5-mi aningaasartai nalimmassarneqassapput.

Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- sanaartornermi naatsorsuutit sisamat siulianiittut akuersissutigineqassasut.
- 2024-mi missingersuutinit sanaartornermut aningaasaliissutinik atunngitsuukkanik katillugit kr.191.211.017 koruuninik 2025-mut nuutsisoqassasooq, ilanngusseq 5-imi tulleriaarlugit allanneqarnikuusutut sanaartugassatut pilersaarutini ataasiakkaani aningaasat agguataagaallutik.

Aalajangiineq

Akuersissutigineqarpoq

Ilanngusseq

1. Tullinguuttunut sanaartornermut naatsorsuutit:
2. Ilanngusseq 1, Suliniut 500005_004 Kangerlussuarmi kommunip illuutaani uffarfimmi naternik nutarterineq
3. Ilanngusseq 2, Suliniut 500077 Ilaqutariinnik inerisaavik, Maniitsoq
4. Ilanngusseq 3, Suliniut 500082
5. Ilanngusseq 4, Suliniut 500096 Maniitsumi sulisunut inissiat
6. Ilanngusseq 5, Eqitsit, Sanaartugassanut aningaasaliissutinik atunngitsuukkanik 2024-mi missingersuutinit 2025-mi missingersuutitut nuutsinernut atuiffiit aningaasartaalu.

Imm. 4.1 Kalaallit qimmiinik qimuttunik qimmeqarneq illersuinerlu pillugit Inatsisartut Inatsisissaattut siunnersuut kiisalu Qimmeqarneq qitsuuteqarnerlu pillugit Inatsisartut inatsisaat

Journalnr.

Tunuliaqutaq

Aalisarnermut, Piniarnermut Nunalerinermullu Naalakkersuisoqarfik inatsisissatut siunnersuutitut missingiutinik februaarip 28-anni killilerlugu tusarniaanermik nassiussaqarnikuvoq. Inatsisissatut siunnersuutinik qimmit qimuttutut illersoneqarnissaat pillugu kissaatigineqartumut innersuussutitalerlugu qimmeqatigiit qitsogatigiillu sinneriniit qimmit qimuttut immikkoortinneqarnissaannik nalimmassaavoq. Inatsit atuuttuusoq 1998-imeersuvoq. Naalakkersuisoqarfik 2022-mi inatsisissatut siunnersuummut tusarniaassumik nassiussaqarnikuvoq Inatsisartuni akuersissutigineqanngitsumik. Taamanikkut tusarniaalluni ingerlatsinermit oqaaseqaataasut missingiummi matumani ilanngunneqartut oqaatigineqarpoq.

Maleruagassatigut tunngavissaq

- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq kiisalu Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 24, 28 november 2016-imeersutigut allanngortinneqarneranik Inatsisartut inatsisaatigut allanngortinneqartoq.
- Kalaallit qimmiinik qimuttunik qimmeqarneq illersuinerlu pillugit Inatsisartut Inatsisissaattut siunnersuut
- Qimmeqarneq qitsuuteqarnerlu pillugit Inatsisartut inatsisissaattut siunnersuut

Pissutsit atuuttut

Qimmit qimuttunut inatsisikkut nutaakkut qimmit ullut tamaasa alakkartarneqarnissaat nerisinneqartarnissaallu ilanngullugit kapitali 3 naapertorlugu pissutinik arlalissuarnik nakkutilliinissamik qimmilerisukkut kommunalbestyrelsi peqquneqarpoq. Nakkutilliinissamik suliassartaata sularisinnaanissaa periarfissaqarnaviannigilaq. Soorluttaaq ullut tamaasa nerisitsineq isumaqanngitsoq qimmit nerilluarsimanissaannik. Paarlattuanik siunnersuutigineqarpoq, qimmit ima sanigortigisimanissaannut allaat akuleruttariaqalernissamut uuttuummik takutitsinissamik peqartoqalissasoq aammalu nakkutilliilluni suliassami nersutit nakorsaqaarfianni oqartussaqaarfiit suleqataassasut.

Inatsisissatut siunnersuummi § 43-kkut allaffissornikkut akiliisitsisoqartalernissaanik atuutsitsilernissamik misiliisoqarpoq, tassa imaappoq, eqqartuussivikkut sularineqarnissaa utaqqeqqaarnagu ingerlatsivik akiliisitsisinnaasoq. Taanna sakkusinnaavoq pitsaasoq. Kisianni paragraffi taamatut allassimatillugu malitsinissaa ajornakusoorpoq. Ersarinnerusumik allattoqarnissaa siunnersuutigineqarpoq. Soorluttaaq § 41-mi naammagittaalliuuteqartoqarsinnaaneranut eqqussisoqartoq, taamaalilluni nersutit nakorsaqaarfiat siunissami kommunit aalajangiineri pillugit naammagittaalliutinik suliqaarsinnaalerluni. Uani oqaasertalerneru aammattaaq ersarissarneqassasoq siunnersuutigineqarpoq.

Qimminut qitsunnullu inatsisissatut siunnersuut nutaaq atuutilersinneqarpat kommunip qitsuuteqarnermut ileqqoreqqusani 2015-imeersoq nutarsarnissaanut tunngaviliissaaq.

Kommunip qimmeqarnermut ileqqoreqqusaanik 2025-mi apriliip aallaqqaataanni atuutilertussamut inatsisissatut siunnersuut allannguissamut tunngaviliingilaq.

Atuilluartuunissakkut kingunerisinnaasai

Immikkuullarissumik inatsisikkut qimmit qimuttut pillugit kulturi eriaginissaa silatusaarneruvoq. Tamannali suliaqarnermi naammassineqarsinnaangitsumik kommuninut nakkutilliinermik suliaasaqarnerulersitsinermik malitseqartariaqangilaq.

Aningaasaqarnikkut allaffissornikkullu kingunerisinnaasai

Siunnersuut aningaasaqarnikkut kinguneqassanngitsoq nalilerneqarpoq. Allaffissornikkut nalilerneqarpoq siunnersuut qimmilerisumut allaffissornikkut annertunerusumik artukkiisoqarneranik kinguneqassasoq.

Allaffeqarfiup naliinnera

Inatsisissatut siunnersuutit marluusut qimmiuteqarnermut qitsuuteqarnermullu attuumassuteqartuusunik ajornartorsiutaasunut eqqarsaatiginnittuupput. Akiuussutissiinermik, qimmit kinaassusaanik ilisarnaqutsiinermik, iluamik nerisaqartinneqarnissaannik aammalu qimminik pitussimanngitsunik ulorianaateqarsinnaasunillu toqutsisinnaanermut qulakkeerinnineq atuuppoq. Taamaattorli inatsisikkut taamaallaat nuna tamakkerlugu qimminik qimuttunik kultureqarneq amerlassusiinillu paarinniinnarnissaanik kisimi naatsorsuutigineqarsinnaangilaq, taanna inuiaqatigiinni ineriartornermik pinngitsuuisinnaangimmat.

Innersuussineq

Teknikkeqarnermut Avatangiiisunullu immikkoortortaqaqarfiup Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigaa:

Illoqarfimmi nakkutilliinermik suliasamik unammillernartitsineq pillugu kiisalu §§ 41 aamma 43-mi oqaasertalersuinerit ersarissarneqarnissaanik allaaserinnittumik tusarniaanermi akissuteqaammik allaffeqarfik allagaqassasoq.

Qimmeqarneq qitsuuteqarnerlu pillugit Inatsisartut inatsisaat atuutilersinneqareerpat kommunip qitsuuteqarnermut ileqqoreqqusasaanik nutaamik allaffeqarfik suliaqassasoq.

Aalajangiineq

Akuersissutigineqarpoq

Ilanngussaq

1. Kalaallit qimmiinik qimuttunik qimmeqarneq illersuinerlu pillugit Inatsisartut Inatsisissaattut siunnersuut
2. Kalaallit qimmiinik qimuttunik qimmeqarneq illersuinerlu pillugit Inatsisartut Inatsisissaannut oqaaseqaatit
3. Qimmeqarneq qitsuuteqarnerlu pillugit Inatsisartut inatsisissaattut siunnersuut
4. Qimmeqarneq qitsuuteqarnerlu pillugit Inatsisartut inatsisaannut oqaaseqaatit

8 Tamalaat

Karl Lyberth apeqquteqarpoq Maniitsumi qalulerivimmi qerititsiviit arlallit inunnik ataasiakkaanik pigineqartut pillugit. Ulrik mail-ikkut akissuteqassaaq.

Karl Lyberth apeqquteqarpoq Maniitsumi Kalaalimineerniarfik aqqutigalugu neqinik qerisunik avammut tunisassiornissamut qinnuteqaat suliaq sumut killinnersoq. Tuperna mail-ikkut akissuteqassaaq.